

**Կարծիք**

**Արթուր Ռազմիկի Դավթյանի «Սեփականության իրավունքի էությունը և բովանդակային առանձնահատկությունները տարբեր իրավական համակարգերում. տեսական և իրավահամեմատական հետազոտություն» թեմայով ԺԲ.00.01 «Պետության և իրավունքի տեսություն և պատմություն, պետական և իրավական ուսմունքների պատմություն» մասնագիտությամբ թեկնածուական ատենախոսության վերաբերյալ**

Գրախոսվող աշխատանքի թեմայի հետազոտությունը պայմանավորված է հայ հասարակության առջև ծառայած սոցիալ-տնտեսական մարտահրավերներով, սեփականության իրավունքի երաշխավորված պաշտպանության կառուցակարգի կատարելագործմամբ, որն իր հերթին կխթանի տնտեսությունում տեղական և արտասահմանյան ներդրումների գործընթացը:

Ցանկացած քաղաքացիական հասարակության և տնտեսության համար դժվար է գոյատևել, առավել ևս զարգանալ, եթե իրավաբանորեն (նաև դատական կարգով) պատշաճ պաշտպանված չէ սեփականության ինստիտուտը և սեփականատիրական հարաբերությունները:

Սոցիալ-տնտեսական հարաբերությունների անկյունաքարը՝ սեփականության իրավունքի իրականացման կառուցակարգն է և դրա հետ կապված իրավակարգավորումների սոցիալական բնույթը: Ժամանակակից հայոց ազգային իրավակարգում և տնտեսությունում սեփականության իրավունքը ձեռք է բերել սոցիալական եշանակություն և սոցիալ-իրավական արժեքի կարգավիճակ:

**Հետազոտության օբյեկտն է** սեփականության ինստիտուտը՝ իրավունքի ընդհանուր տեսության տեսանկյունից:

**Հետազոտության առարկան** սեփականության ինստիտուտի էությունն ու բովանդակությունն է, ինչպես նաև դրանց առանձնահատկությունները ժամանակակից հիմնական իրավական համակարգերում՝ մայրցամաքային և ընդհանուր (նախադեպային) իրավունքում:

**Հետազոտության նպատակն ու խնդիրները.** Սույն ատենախոսական աշխատանքի նպատակն է սեփականության ինստիտուտի համակողմանի ուսումնասիրությունը, նրա սոցիալական և իրավական առումների բացահայտումն է՝

ազգային և տարրեր իրավական համակարգերում:

Դրված նպատակն իրականացնելու համար հեղինակն իր առջև խնդիր է դրել՝ վերլուծել սեփականության ինստիտուտի բնութագրիչ հատկանիշները,

- բացահայտել սեփականության ինստիտուտի սոցիալական, տնտեսական նշանակությունը,

- վերլուծել սեփականության ինստիտուտի բովանդակային առանձնահատկությունները ոտանագերմանական և անգլոամերիկյան իրավական համակարգերում,

- բացահայտել սեփականության ինստիտուտի նշանակությունը քաղաքացիական հասարակության կայացման և հասարակական առաջընթացի համար:

- վերլուծության ենթարկել սեփականության ինստիտուտի պաշտպանության հիմնախնդիրը ազգային և միջազգային իրավական համակարգերում ու իրավակիրառ պրակտիկայում:

Աշխատանքի ուսումնասիրությունից կարելի է հետևություն անել, որ հեղինակը պատշաճ գիական մակարդակով է լուծել իր առջև դրված խնդիրները և կատարել է տեսական ու գործնական նշանակության առաջարկություններ և եզրակացություններ:

**Քննարկվող հետազոտության գիտական նորոյթն**, ամենից առաջ, արտահայտվում է սեփականության ինստիտուտի բովանդակության բացահայտման նորարարությամբ, այն է՝ իրավունքի ընդհանուր տեսության տեսանկյունից մշակվել է հիմնադրույթներ և նոր մոտեցումներ, որոնց հանրագումարը քննարկվող հիմնախնդրի գիտական լուծում է, որն ունի աշխարհայեցակարգային և սոցիալ-իրավական նշանակություն:

Հետազոտության արդյունքները նորովի են լուսաբանում սեփականության ինստիտուտի էությունը, բովանդակությունը, սոցիալական նշանակությունը և սույն աշխատանքում այն դիտարկվում է որպես հասարակության առաջընթաց զարգացման նախադրյալ և քաղաքացիական հասարակության կայացման նախապայման, ինչպես նաև մարդու իրավունքների իրական գործադրման նյութական պատվար և անձի իրական ազատության նախապայման:

Դրական գնահատելով գրախոսվող աշխատանքը, ունեմ նաև որոշակի առաջարկություններ-եկատառումներ աշխատանքի վերաբերյալ:

Առաջին, գտնում են, որ հեղինակը առավել խորությամբ անհրաժեշտ էր կանգ առել սեփականության ինստիտուտի բովանդակության երեք իրավագործությունների շիրապետման, օգտագործման և օտարման գոյաբանական և իմացաբանական առումների վրա՝ ինչպես գործող օրենսդրական կարգավորումներում. այնպես էլ իրավակիրառ պրակտիկայում:

Երկրորդ, աշխատանքում տեղ են գտել որոշակի խմբագրական և ոճաբանական թերացումներ, որոնք ունեն մասնակի բնույթ և կարելի է շտկել հետագա հետազոտական աշխատանքում:

Նշված դիտողություններն, ըստ էության, ցանկություններ են և ամենևին չեն նսեմացնում աշխատանքի դրական բովանդակության վրա:

Սեղմագիրն արտացոլում է ատենախոսական աշխատանքի հիմնական բովանդակությունը:

Քննարկվող աշխատանքի հիմնական դրույթներն իրենց արտահայտումն են գտել հեղինակի հրատարակված գիտական հոդվածներում և մենագրություններում:

Ելնելով վերաշարադրյալից գտնում են, որ Արթուր Ռազմիկի Դավթյանի վերոնշյալ թեկնածուական ատենախոսությունը գիտական նորույթ պարունակող հետազոտություն է, որը լիովին բավարարում է ՀՀ ԲՈԿ-ի Կանոնակարգով սահմանված կանոնների պահանջները, իսկ հեղինակն արժանի է իրավաբանական գիտությունների թեկնածուի գիտական աստիճանի շնորհմանը:

Պաշտոնական ընդդիմախոս՝  
իրավաբանական գիտությունների թեկնածու՝

Հովհաննես Զավենի Սարգսյան



Հովհաննես Զավենի Սարգսյանի ստորագրությունը հաստատում են՝  
Անուրոպ Մաշտոցի անվ. համալսարանի պրոֆեսոր՝

Գ.Սարգսյան